

Projekat razvoja tržišne poljoprivrede II (FARMA II)

Program pomoći američkog i švedskog naroda

USKORO NEKOLIKO POZIVA ZA POLJOPRIVREDNA DRUŠTVA, POJEDINCE, NEZAPOSLENE OSOBE I STUDENTE U CILJU POVEĆANJA KONKURENTNOSTI AGROBIZNISA U BOSNI I HERCEGOVINI

USAID/Sweden Projekat razvoja tržišne poljoprivrede - FARMA II pokreće širok spektar aktivnosti koje imaju za cilj povećanje konkurentnosti sektora agrobiznisa u Bosni i Hercegovini. Aktivnost, pod nazivom AgMENTOR centar podrške, omogućit će pristup kvalitetnim i raznovrsnim poslovnim uslugama koje će uticati na rast i razvoj poljoprivrednih proizvođača, njihovih udruženja i zadruga ali i malih i srednjih preduzeća i drugih poslovnih subjekata iz ruralnih područja. Pored pružanja planiranih usluga, AgMENTOR centar podrške predstavljaće „one stop-shop“ odnosno multifunkcionalnu lokaciju u kojoj će ruralni akteri imati podršku za unapređenje poslovanja i dostupnost svih informacija vezanih za razvoj poslovnih inicijativa.

Kao implementatori projekta **za centralnu BiH**¹, Regionalna razvojna agencija za regiju Centralna BiH – REZ Agencija i Udruženje građana „Nešto Više“ će biti kontakti preko kojih će akteri imati podršku za unapređenje poslovanja i dostupnost svih informacija vezanih za razvoj poslovnih inicijativa. S tim u vezi uputit će šest javnih poziva od kojih svaki za cilj ima poboljšanje konkurentnosti u oblasti agrobiznisa u Bosni i Hercegovini.

U sklopu projekta se realizuje niz uzajamno povezanih aktivnosti koje za krajnji cilj imaju poboljšanje konkurentnosti u oblasti agrobiznisa.

1. Jedna od aktivnosti projekta jeste **stručna praksa (internship)**, koja za cilj ima da pruži mogućnost studentima kao i diplomantima bez iskustva da stažiraju u poljoprivrednim preduzećima. U sklopu ove aktivnosti implementatori projekta će uputiti poziv studentima, diplomantima, ali i poziv pravnim licima iz oblasti agrobiznisa i podrške agrobiznisu. **Poziv pravnim licima** podrazumijeva poziv za prijem apsolventata, nezaposlenih diplomanata različitih studijskih grupa poljoprivrednog, ekonomskog ili menadžerskog usmjerenja na praksu koja bi se finansirala u sklopu projekta. **Poziv studentima, nezaposlenim diplomantima** različitih studijskih usmjerenja, zavisno od potrebe poslodavca, da se prijave za praksu u firmama, koja bi se cjelokupno finansirala iz projekta.

¹ Regija uključuje općine/opštine: Breza, Bugojno, Busovača, Centar Sarajevo, Čajniče, Doboj Jug, Donji Vakuf, Foča, Foča Ustikolina, Fojnica, Goražde, Gornji Vakuf/Uskoplje, Hadžići, Ilidža, Ilijaš, Istočna Ilidža, Istočni Stari Grad, Istočno Novo Sarajevo, Kakanj, Kalinovik, Kiseljak, Kreševo, Maglaj, Novi Grad Sarajevo, Novi Travnik, Novo Goražde, Novo Sarajevo, Olovo, Pale, Pale Prača, Rogatica, Rudo, Sokolac, Stari Grad, Tešanj, Travnik, Trnovo, Trnovo RS, Usora, Vareš, Visoko, Višegrad, Vitez, Vogošća, Zavidovići, Zenica, Žepče



USAID
FROM THE AMERICAN PEOPLE



Projekat razvoja tržišne poljoprivrede II (FARMA II)

Program pomoći američkog i švedskog naroda

2. Četiri poziva za podršku uspostavljanju i jačanju poslovnih/ruralnih asocijacija

Cilj ove aktivnosti je pružiti podršku grupama proizvođača koji imaju namjeru da se okupe i organizuju u udruženje ili zadruhu (ili neki drugi vid formalnog ili neformalnog poslovnog organizovanja zasnovanog na zajedničkim interesima), a koje će im omogućiti zajednički nastup ili aktivnosti u svim budućim poslovnim poduhvatima. Ova aktivnost sastoji se iz 4 ciklusa, a u svakom ciklusu ukupno 2 grupe će biti odabrane i podržane u njihovom uspostavljanju i jačanju.

3. Poziv privatnim licima koja hoće da pokrenu vlastite biznise u oblasti agrobiznisa (edukacija iz oblasti organizovanja i vođenja vlastitog biznisa, ali i mentorstvo za apliciranje za start-up fond USAID-a, kao i mentorstvo za apliciranje za neke druge fondove).

4. Poziv za obuku licima i preduzećima koja će vršiti savjetodavne usluge samostalnim proizvođačima i poljoprivrednim preduzećima ,

5. Četiri poziva za učešće na **biznis klinikama** za poljoprivredna preduzeća i savjetodavce (na klinikama će biti upriličeno savjetovanje iz raznih oblasti poslovanja, te će biti omogućeno individualno savjetovanje za preduzeća i samostalne proizvođače),

6. Četiri poziva za **B2B –poslovne susrete firmi iz različitih sektora**, koje bi zajedno identificirale probleme poljoprivrednih proizvođača, te zajedničkim interdisciplinarnim radom iznalazile rješenja istog.

Svi pozivi će biti dostupni na web stranicama Regionalne razvojna agencija za regiju Centralna BiH – REZ Agencija i Udruženja građana „Nešto Više“, kao i na stranici USAID/Sweden Projekta razvoja tržišne poljoprivrede - FARMA II (www.rez.ba ; www.nestovise.org ; www.farmabih.ba).